

全

金

诗

全

金

詩

御訂全金詩增補中州集卷五十九

金元好問原本

段成已下
以下從二妙集補入

壽夢菴張信夫

一杯瓮頭春持壽
丹山客洗盞至客前
共坐林下石酒酣語益真
道合意自適東風吹醉眼
高興寄

空碧人生天地閒
迅若駒過隙
胡爲就羈縛
惴惴從物役
何如夢室中
一笑百憂釋
棄置勿復道
放懷洵茲夕

誅雙峰興上人

堂堂雙峰師
不受塵世汙
禪坐三十年
俯仰無愧處
平生大事畢
欲留不可住
適來水中漚
水行漚復聚
適去火上烟
烟散火如故
徜徉天地閒
去來隨所遇
我懷未能忘
正隨分別趣
涕餘會貞心
三

嘆出門去

贈呼延長原

我來負犢顛投迹汾水濱
亂餘寡儔侶所遇皆所親
一行未易完忍更求其純
矯矯呼延生棟宇接近隣
雖云符詛師頗異尋常人
疾苦在力救貴賤情一均
功成不責報第恐傷吾仁
曠懷寓杯酒不計醕與醇
一酌萬事畢肝膽平輪囷
酒酣奮長袖滿坐生陽春
人皆笑女狂我獨愛女真
參苓我所

金言卷五十九
須收爲藥籠珍吾聞先天術原委有本因後人罕
知學莫復窺其津華陀起東漢扁鵲名西秦二君
本儒者卒以醫自神願生繼高躅勉勿因循

贈研師寄翁

有客抗塵容不知何人斯自云來西秦著脚汾之
糜放浪三十年野鹿不受羈是身寄虛空歛若駒
原馳竄名書研閒聊寄吾寄爲遊戲出三昧我豈
真陶師心成應之手觚橢各異宜萬象且胚漚一

一非人私妙凝天地中不甌亦不坏深懷出蒼壁
炯炯光陸離摩挲湛秋水隨手生寒漪雖鑿混沌
竅大朴猶未漓回首銅臺瓦千載垢有餘坐令呂
與張羞受牛後嗤便當十襲藏奚必古見竒待價
不求售特易詩人詩卷餘兩牛腰得之猶恐遲歸
求飯甌空一字不救饑咀嚼誑枯腸似高還似癡
商財與蠟屐優劣孰等夷不如且置之安事屢解
頤翁聞爲一笑此事非所知苟可適吾欲君詩不

當辭

商相刁少府優善堂

取人戒不周取善戒不遺理能兼衆美何必勞營
爲奈何當塗人好以智自私身勤事仍左終日徒
紛披君侯本將種磊落真男兒延英闕賓館下問
質所疑優善題其堂美意良可知永懷正字賢千
古猶一岐休休好善心一出忠厚資片善或可取
不厭蓬茅卑人輕千里遙願吐胸中奇投誠盡實

理入耳無諛辭從容談笑間萬事無不宜三年報
政後齷齪何其遲潛令十萬家共煦晴春曦退食
坐南堂何慮復何思

送張世傑赴京兆幕官

雨雪方載塗霜風裂膚肌丈夫四方志遊子千里
期簡書豈不畏孀親髮如絲恩義兩相奪欲行還
遲遲世榮豈不慕此心難遽夷大分既有定僂俛
安得辭伊人遇知己第恐負所知去去勿重陳博

扶良自茲苟能以義養猶足慰親思

馮生成之自燕歸平陽賴寂照先生獲脫奴

眼前役復齒士列將復歸燕主吾友濟夫來謁詩

姑序其槩以答云

英英大馮君雅志在千里坎宮不得前而姑止於

此出處雖兩塗動靜無二理燕坐三十年初不離

朝市了了方寸閒湛然若秋水馮生適何來矚目

差可喜自云衣冠後家破偶不灰失身坑阱中搖

尾凡幾襪過者日千萬藐焉不一止忽逢盤谷翁
引手惟力致力極執未回旣出幾復委不知何因
緣得入先生耳一見不忍遺卽命加冠履奴僕豈
所安推已乃知彼惻然動於中棄金猶棄糲少屬
豺虎場永謝泥與滓乞詩答盛德此意良亦美顧
我欲何言一笑不知已先生世外人於汝初何埃
苟能堅一心綺語奚足恃屈信固有時此政在知
已勿如越石父以是驕晏子

楊生深甫以鑒鳴河汾遜菴先生以下皆贈
以詩生吾黨士也觀其意似不以淺近自期
者故余之所述不特稱道而已也
楊生頭角非凡子少以鑒名動州里胸懷了了中
可人容貌恂恂外如鄙前微未艾足憑籍論議滔
滔有原委人身造化一天地敢謂精微盡於此中
情翫翫不自安願就先知問其旨遜菴先生大下
士挈攜陬維爲指似古人由此不難到但恐中心

復中止千金再拜一言重採掇方書究終始姓名
會看滿人閒滾滾西馳若汾水

送賈德遠北上

并序

生親老家貧輟晨昏定省之養以入京師其
心將以有所得而歸爲親榮也雖其親之心
亦然而一身之勞故不暇計忘勞以悅乎親
生之志也若生者其以義養者與於其行乞
言以爲別吾老矣言不見用於世雖無言顧

於生何缺生意益堅而無倦色姑序其事以

慰其行云

賈生歷落非庸子坐守窮廬足文史山田磽确無
百畝日課諸郎力耘耔瓶儲顛倒得幾何晨夕安
能具甘旨抱關擊柝有不擇知效一官聊爾耳霜
風栗冽歲云莫水宿山行二千里及親而仕古所
樂敢以崎嶇憚行李明年花發望君還綵戲階庭
爲親喜

贈答詩社諸君

賓藥韓康伯能詩張志和真鋼須百鍊明月要重
磨眼底如君少閒中得子多兵連猶未斷莫厭數
相過

漫成二首

一榻了窮冬吾生豈易供儘教人笑拙最苦客妨
慵無寐閒欹枕忘言醉倚筇可憐猿與鶴歲晚肯
相從

全金言卷五
時序驚何速形骸強自持
整冠毛屢脫束帶孔頻
移蹭蹬成空老吟哦不救饑
百年行已久一笑欲何之

和答木菴吳粹中

四海疲攻戰餘生寄寂寥
花殘從雨打蓬轉任風
飄有興歌長野無言立短橋
敝廬獨在眼不覺路
途遙

送王子壽之平遙二首

宿靄添行色晨鐘戒俶裝去期何太迫別語不成
章戲綵憐文度扶衰賴孟光臨汾一卮酒目斷隴
雲長

識面時何晚論心分已深相期同卜築豈料遽分
襟別日宜加飯因風莫吝音家山有成約聞健早
來尋

壽李濟夫

夫子何爲者昂藏不入時眼前諸事罷膝下兩兒